

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 134 del 20/01/2022**

**Traduzione in ladino**

## **Studafech volontères, en lunesc da sera la scontrèda co la Unions de Primier e Fascia**

**L president Maurizio Fugatti, dessema col sorastant generèl del Partiment protezion zivila, bos e besties Raffaele De Col, en lunesc ai 17 de jené a Sèn Martin tel Primier l à tout dant i Ispetores distretuèi e i Comandanc di Gropes di Studafech volontères de la Unions distretuèles de Primier e Fascia. La Federazion di Gropes di Studafech volontères la era raprejentèda dal president Giancarlo Pederiva e dal vizepresident Daniele Postal. “Per chel che vèrda la infrastructures – l à sottrissà endèna la scontrèda l president Fugatti – volon confermèr nosc empegn per la seconda pèrt di lurieres de la caserma de Imer, per 410.000 euro, e per la caserma de Canal San Bovo, per doi millions de euro. Desche endrez volon ades ge jir do ai besegnes primères che vigni Union distretuèla ne portarà dant. Aldò de la ressorses a la leta ogne an se dezidarà co intervegnir conforma a la prioritèdes metudes dant dai teritories”.**

Chesta scontrèda la se jonta a cheles jà fates co la outra Unions distretuèles, con chela de se confrontèr dintornvia la situazion e i argomenc de anchecondi per l setor e per vigni Grop.

Anter i desferenc argomenc rejoné fora endèna la scontrèda ge è stat dat gran emportanza a la formazion di operadores, con proponetes prezises per chel che vèrda i contegnui e la modalitèdes per la meter a jir, acioche la sie semper aldò di besegnes di studafech. Se à rejonà ence de telecomunicacions, radio TETRA e chieripersones, del numer vert per la chiamèdes de emergenza metù a jir tel Primier, de la lizenzes de vidèr de servije, de la vijites mediches del personal, di intervenc sa mont e di mesi che ge vel durèr, de la segnalazions de situazions de pericol e i protopei operatives per la ativitèdes che tol ite sogec desferenc o l raion de la Provinzia autonoma de Busan, de arsegurazions, de responsabilità di comandanc e di gradué e de sia spezifica formazion tel ciamp organisatif e aministratif e amò apede de la prozedures de revijion di mesi en dotazion.

Endèna la scontrèda l é stat rejonà ence de co endrezer i plans de intervent per i locai sa mont via per la sajon da d’invern; argument che ge volarà amò vardèr fora per miorèr la percacenza operativa e la segurezza de chi che va sa mont.

**Traduzion di Servijes Linguistics e Culturèi del Comun general de Fascia**

(Traduzione a cura dei Servizi Linguistici e culturali del Comun general de Fascia)

(cdt)